

Հարցաթերթ  
Աշխարհագրություն առարկայի օլիմպիադայի հանրապետական փուլի  
2025-2026 ուս. տարի  
/տևողությունը – 120 րոպե/  
11-12 – րդ դասարան

**1. Պնդումներից յուրաքանչյուրի համար նշել՝ ճիշտ է, թե՛ սխալ** 2միավոր  
 ա. ՀՀ ապրանքների առևտուրը գերազանցում է ծառայությունների առևտրին:  
 բ. Վերջին հնգամյակում ապրանքների առևտուրն ավելի շատ է աճել Հայաստանում, քան ծառայությունների առևտուրը:  
 գ. Մեծածախ առևտուրը Հայաստանում գերազանցում է մանրածախ առևտրին:  
 դ. Վերջին հնգամյակում մեծածախ առևտուրն ավելի շատ է աճել Հայաստանում, քան մանրածախ առևտուրը:  
 ե. Ծառայությունների առևտուրն աշխարհում գերազանցում է ապրանքների առևտրին:  
 գ. Ծառայությունների առևտրի աճի տեմպը զիջում է ապրանքների առևտրի աճի տեմպին:  
 է. Ապրանքների արտահանման ծավալների աճի տեմպն ավելի մեծ է զարգացող երկրներում:  
 ը. Ապրանքների առևտրում հանքային հումքն ու գյուղատնտեսական ապրանքները գերակշռող են:

**2. Ի՞նչ են նշանակում եզրույթներից յուրաքանչյուրը** 1միավոր  
 ա. գրաբեն բ. բեռնալարվածություն

**3. Բնութագրով որոշել երևույթը** 1միավոր  
 Այս համաձորակային երևույթն առաջանում է մթնոլորտի աղտոտվածության արդյունքում: Այն առաջին հերթին դրսևորվում է արևային ճառագայթման քանակի նվազման և արդյունքում միջին ջերմաստիճանի անկման տեսքով:

**4. Ինչպե՞ս են կոչվում.**  
 ա. Ձեռնարկությունը, որն իր արտադրական և առևտրային գործունեությունը իրականացնում է տարբեր երկրներում մասնաճյուղերի կամ դուստր ձեռնարկությունների ցանցի միջոցով:

1միավոր  
 բ. Տաք ու չոր քամի, որը լեռան լանջերով վար սուրելիս առաջացնում է ջերմաստիճանների կտրուկ բարձրացում և որի հետևանքով ՀՀ որոշ տարածքներում ձնհալը կտրուկ մեծացնում է գետերի վարարման ռիսկը: 1միավոր

**5. Խնդիրներ**  
 ա. 60000կմ<sup>2</sup> մակերեսով տարածքի գոլորշունակությունը 500մմ է, գետերով ջրի ներհոսքը 2մլրդ մ<sup>3</sup>, արտահոսքը՝ 1,5մլրդ մ<sup>3</sup>, իսկ թափվող տեղումների քանակը՝ 550մմ: Հաշվի առնելով, որ տվյալ տարածքի ջրապահանջը 8մլրդ մ<sup>3</sup> է՝ քանի՞ տոկոսով է այդ ջրապահանջը բավարարվում:

1միավոր  
 բ. Օգտվելով բերված աղյուսակի տվյալներից՝ որոշեք ա) ի՞նչ կլիմայի տիպ է գերակշռում տվյալ տեղանքում (0.5միավոր); բ) ո՞ր կիսագնդում է տվյալ տեղանքը (0.5միավոր) 1միավոր

Ցուցանիշ	Ամիսներ											
	Հ	Փ	Մ	Ա	Մ	Հ	Հ	Օ	Ս	Հ	Ն	Դ
Միջին ջերմաստիճան (°C)	28.4	28.2	28.3	28.5	27.2	25.4	25.0	25.9	27.9	29.2	29.4	29.1
Միջին տեղումներ (մմ)	432	372	311	102	20	2	1	5	17	70	147	256

**6. Ելնելով կցված թերթիկի բարձրաչափական տվյալներից՝ վերակառուցեք տարածքի ռելիեֆը և գունային սանդղակով պատկերեք այն՝ նշելով նաև ստացված հորիզոնականները (2միավոր): Պատասխանեք հարցերին:**

ա. Հորիզոնի ո՞ր կողմնադրության լանջն է ավելի գառիթափ: 0.5միավոր  
 բ. Որքա՞ն է տվյալ պատկերում հորիզոնականի կտրվածքը 0.5միավոր

**7. Դասավորել** ՀՀ գետերն ըստ դրանց ջրհավաք ավազանում քաղաքների թվի աճող հաջորդականության՝ Հրազդան, Ողջի, Արփա, Դեբեդ (ներառյալ Փամբակ և Չորագետ)

1 միավոր

**8. Բացատրել**


**ա.** 21-րդ դարի երեք խոշորագույն աղետներից էին 2004թ.-ի Հնդկական օվկիանոսի ցունամին (մոտ 230 հզ. զոհ), 2010թ.-ի՝ Հայիթիի երկրաշարժը (ավելի քան 220 հզ. զոհ) և 2011թ.-ի Տոհոկուի երկրաշարժը (ավելի քան 18 հզ. զոհ): Այդ տարիներին բնական աղետների գնահատված տնտեսական կորուստները կազմել են՝ 2004թ.-մոտ 134 մլրդ \$, 2010թ.-մոտ 127 մլրդ \$, 2011թ.- մոտ 371 մլրդ \$: Ինչո՞վ է պայմանավորված տնտեսական կորուստների նման անհամաչափությունը՝ համեմատած մարդկային կորուստների:

1 միավոր

**բ.** Չնայած Առևտրի համաշխարհային կազմակերպության գործադրած ջանքերին և ՄԱԿ սահմանած աղքատության նվազեցման թիրախին՝ աշխարհում գնալով մեծանում է առևտրի ազատականացման դեմ խոչընդոտների կիրառումը: Ինչո՞ւ

1 միավոր

**9. Դիտարկեք միտումը և պատասխանեք հարցերին**



(a) (b) (c)

- ա.** Տվյալ բնակավայրի ո՞ր հատվածում է գտնվում լճակը (նշել հորիզոնի կողմը) (0.5 միավոր)
- բ.** Ո՞րն է միջին ջերմաստիճանների ընդհանուր աճի գլխավոր պատճառը (0.5 միավոր)
- գ.** Քաղաքային միկրոկլիմային վերաբերող ո՞ր երևույթն է ուժգնացել այդ փոփոխությունների արդյունքում (0.5 միավոր)
- դ.** Օրվա ո՞ր ժամանակահատվածում է (գիշեր, թե ցերեկ) այդ երևույթի դրսևորմամբ ջերմաստիճանների տարբերությունը հարակից տարածքների նկատմամբ առավել մեծ (0.5 միավոր)

**10. Պատասխանեք հարցերին՝ ներկայացնելով համապատասխան հիմնավորումները**



**ա.** Չնայած ամենաշատ զբոսաշրջիկ ընդունող երկրների շարքում ԱՄՆ զիջում է Եվրոպական մի շարք երկրների, սակայն զբոսաշրջությունից գեներացվող գումարներով առաջատարն է: Ինչո՞ւ :

1 միավոր

**բ.** Չնայած օրգանական գյուղատնտեսության մի շարք ակնհայտ առավելություններին՝ այն չի դիտարկվում որպես պարենային հիմնախնդրի լուծման արդյունավետ տարբերակ: Ինչո՞ւ

1 միավոր

11. Համապատասխանեցնել կենսատարողության և էկոլոգիական հետքի տվյալները երկրներին (օր. Ա-1) Չմիավոր



Առարկայական հանձնաժողովի նախագահ՝ Վ. Ասատրյան

